

Universitätsbibliothek Paderborn

**R. P. Cornelii Hazart Societatis Iesv Theologi Discursus
Morales In Selectiora Loca Genesis, Exodi, Levitici,
Numerorum**

Hazard, Cornelius

Antverpiæ, 1688

Discursus XXI. Fratres Iosephi in patriam abeunt, sed in itinere revocantur
à Ioseph.

[urn:nbn:de:hbz:466:1-52700](#)

non tantum Patres Catholici, sed etiam Ethnici deplorarunt.

Quam hoc est mirabile, exclamat *Salvianus lib. 6. de provid.* Quod nobis non sufficiat gaudere & ridere nisi cum peccato? nisi risus impuritatibus, ac flagitiis misceatur? Quis rogo hic error, quæ stultitia? numquid lætari non possumus ac ridere nisi risum nostrum ac que lætitiam scelus esse faciamus? an ergo infructuosum putamus gaudium simplex, nec delectat ridere sine crimen? quod rogo hoc malum est, quis furor? ut non putemus risum & gaudium tantisper se nisi in se Dei habeat injuriam?

Quid hoc est aliud, inquit *Ambroſius lib. de Elia cap. 14.* quam vocare ad jucunditatem & cogere ad mortem? invitare ad prandium, & velle efferre ad sepulchrum, vina fundere & propinare venena? Hęc illi Patres.

Operæ pretium erit jam audire hominem ethnicum, Philosophum *Senecam qui epist. 114.* vehementer invehitur in luxum, multitudinemque ferculorum, ac deliciarum magno labore ac sumptu undequaque conquisitarum. Hinc, ait, tot morbi qui prius erant ignoti, etiam, inquit, feminæ iis morbis laborant, à quibus tempore *Hippocratis* immunes erant. Audiamus ipsius verba: Maximus, inquit, ille medicorum *Hippocrates* dixit, suo tempore feminis nec capillos defluere, nec pedes laborare, jam vero & capillis destituntur, & pedibus ægræ sunt: Non mutata feminarum natura, sed vita est, nam cum virorum licentiam æquaverint, corporum quoque virilium vitia, æquaverunt. Non enim minus potant, & vino viros provocant. Huc tandem devenere multa convivia, quæ si mansissent in prima sua simplicitate, liberè poteramus dicere cum *Davidis Inſti* epulentur, & exultent, & delectentur in letitia, sed, uti addit, in conspectu Dei, ut quod institutum est ad honestam animi relaxationem, non fiat in injuriam Dei. Talia erant convivia filiorum Ioh, tale etiam Iosephi cum fratribus.

DISCURSUS XXI.

Fratres Iosephi in patriam abeunt, sed in itinere revocantur à Ioseph.

IAm finis impositus erat convivio, mensæque remotæ, quando Ioseph vocavit ad se dispensatorem suum, eique clam præcepit, dicens: *Imple saccos eorum frumento quantum possunt capere, & pone pecuniam*

nam singulorum in summitate sacci. Scyphum autem meum argenteum, & perim quod dedit tritici, pone in ore sacci junioris, factumque est ita: Et ut manè dimissi sunt cum asinis suis.

Iamque urbem exierant, & processerant paululum: Tunc Ioseph acersto dispensatore domus: Surge, inquit, persequere viros, & apprehensis dicio: Quare reddidistis malum pro bono? Scyphus quem furati estis, ipse est in quo bibit Dominus meus, & in quo augurari solet pessimam rem fecisti: fecti ille ut jusserrat.

Antequam progrediamur, oportet primum inquirere qualis fuerit ille Scyphus argenteus, in quo non tantum dicit Scriptura Iosephus solitum bibere, sed etiam augurari, quid sibi vult istud augurari?

Tradit Iulius Sirenius lib. 9. de facto cap. 18. Aegyptios & Assyrios solitos fuisse pelves (etiam Scyphos ut videtur) aqua replere, deinde certis verbis dæmonem advocate, ac tum dæmonem instar sibili ex aquis edidisse responsa ad ea de quibus consulebatur. Rursum dæmon subinde exprimebat in aqua speciem vel imaginem rei de qua quarebatur.

Dices, ergone Ioseph se magum hic profitetur qui futura prædicter ope diaboli? affirmat Calvinus, ideoque gravi simulatione contra religionem peccasse asseverat.

Sed quis hoc credat de Ioseph, qui erat propheta piissimus ac sanctissimus: Respondet August. Iosephum hic loqui non serio sed joculariter: Theodoretus vero vult illum loqui interrogative, numquid sciebas talēm esse scyphum? S. Thomas vult illum loqui non ex sua, sed Aegyptiorum opinione. Sed hæc non satisfaciunt.

Dico ergo Scripturam nihil aliud voluisse significare hoc scypho, quam quod Ioseph, propinando illum hospitibus plenum vino, naturaliter exploraret, seu probaret hospitum temperantiam, prudenter, & arcana cordis (in vino enim est veritas) atque ita explorasse quis fratrum suorum animus esset erga Benjaminum: Augurari ergo significat hic, conjectare ex signis exterioribus quid lateat in corde, sic enim sumitur interdum apud Latinos.

Hoc posito, egreditur urbe dispensator cum aliquot equitibus, illosque affecutus, per ordinem, inquit Scriptura, illos allocutus est, sicut præcepérat ei Ioseph. Responderunt illi quare sic loquitur Dominus noster, si servi tui tanum flagitiū commiserint? pecuniam quam inventi in summitate saccorum reportavimus ad te de terra Chanaan, & quo-

140 modo consequens est ut furatissimus de domo Domini tui aurum vel argentum? Apud quem fuerit inventum quod queris, moriarur, & nos erimus servi Domini nostri.

Qui dixit eis: Fiat juxta sententiam vestram, apud quemcumque fuerit inventum, ipse sit servus meus, vos autem eritis innoxii. Itaque festinatis deponentes in terram saccos, aperuerunt singuli. Quos scrutatus, incipiens a maiore usque ad minimum, invenit scyphum in sacco Benjamin.

Probabile censet Salianus noster, quod fratres hoc viso, non tantum praedolore sciderint vestes suas, ut ait Scriptura, sed etiam præira ita exarserint in Benjaminum, ut colaphis eum cæderent, pedibus impeterent, per capillos traherent, furem appellarent, aliisque multis injuriis afficerent.

Hæc omnia tam ardua voluit Joseph dilectum suum fratrem Benjaminum pati, ut amorem suum comprobaret. Hactenus enim illi, & fratribus ignotus, scypho in sacco Benjamini reperto, se omnibus paulo post fratrem palam declaravit, inque eorum colla irruens, à complexu Benjamin divelli non potuit.

D. Gregorius Hom. 21, in Ezech. hæc expendens, sic ait: Scyphus in sacco junioris fratris absconditur, furti post eis quaestio moveatur. Mittitur ut reducantur in servitutem, decernitur apud quem scyphus fuisset inventus; in sacco ultimi fratris invenitur: Tunc Benjamin reducitur, afflitti omnes fratres sequuntur. Tunc exclamat Gregorius: O tormenta misericordiæ! cruciat & amat.

Aptat hoc D. Thomas Christo, dicens: In hoc scypho, scilicet passionis, ut olim Joseph, Christus augurari solet, qui amici eius sint, qui inimici: Ille Benjamin seu dilectus praeceteris frater Christi est, qui illum calicem, quantumvis amarum, cum gusto & libenter exhaustit. Hoc faciam ego, ait Bernardus ferm. 20, in Cant. nam super omnia reddit te mihi amabilem Domine Jesu calix quem tu bibisti, nullas amaritudines nec adversitates, nec calamitates ex amore tui libentissime tolerabo.

Quid enim homini possit esse amarum quod Christo fuit dulce? Quantumlibet ergo, inquit Sidonius Apollinaris lib. 4, cap. 9, nobis anxietatum pateras vitæ præsentis propinet afflictio, parva toleramus si recordemur quid biberit ad patibulum, qui nos invitat ad cælum.

Stupeo quando audio Senecam hominem Ethnicum epist. 67. & lib. de prov. cap. 3. narrantem quid contigerit Socrati. Calix venenatus

tus, inquit, Socratem transtulit è carcere ad cælum. Male tractatum
Socrasem judicas quod illam potionem publicè mixtam, non aliter
quam medicamentum immortalitatis exhaustis? Et ego dico magis
illi invidendum esse quam iis quibus à gemmâ ministratur, & sus-
pensam auro nivem diluit?

Si Socrati invidendum quod tam latus ac libens biberit calicem
veneno mixtum, quanto magis nos invidere oportet illis qui pro
vera immortalitate & gloria æterna, calicem Domini magno ani-
mo bibunt, quem nos propter amaritudinem nauseamus, & bibere
recusamus?

Habet quidem inquit S. Thomas in cap. 18. Ioan. Calix passionis ex
natura sua amaritudinem, sed ex charitate patientis dulcedinem
habet. Sicut medicina sanativa amara est propter saporem, sed dul-
cis propter spem sanitatis.

Hoc præ cæteris aliis expertus est S. Quintinus nobilis Romanus; cū
diceretur ad martyrii locum, oblatus est ei à Ricciowaro judice ama-
rillus passionis calix, postquam virgis ferreis dilaceratus, & li-
quato oleo ac pice perfusus fuisset; sed cum hæc omnia tam gene-
rosè perferret ut diceret, hæc omnia mihi refrigerio sunt, excande-
scens Ricciowarus, faxo, aiebat, ut aliter loquaris; mox digitæ om-
nes inter cutem & unguies terebrati, & acutum veru ab humeris
per corpus ad tibias usque ad aëctum, cumque tormentis inexpug-
nabilis videretur, calix allatus est, aceto, calce viva, & synapi re-
fetus: Quintinus eo conspecto, ad Christum ardentissimè suspi-
rans: O mi optimè Jesu, inquit, natura quidem horret hunc cali-
cem, sed quia è manu tua is venit, & quia tu illum mihi sub cruce
propinasti, respondebo, & exauriam: Hic potus mihi melle omni
& fassaro suavior erit, dixit, & bibit. Amarus calix! sed qui ex cha-
ritate patientis Christi dulcedinem habebat. Omnia denique quan-
tumvis amara, Deum amanti dulcia sunt, non amanti, quantumvis
dulcia, amara sunt: Amoris fuit quod Joseph in Benjamini sibi di-
lætti facco calicem suum imposuerit, sic maximi amoris signum
et quod Christus calicem passionis suæ transmittat ad te, ut inde
conciat utrum sis amicus ipsius: Cruciat quidem, sed cruciando te
amat, ut tuum pariter erga illum, amorem experiatur.

Invento itaque in facco Benjamin scypho Iosephi, imposuerunt
singuli faccos suos in asinis, & reversi sunt in oppidum; primusque Judas
cum fratribus, ingressus est ad Ioseph (necdum enim de loco abierat) omnés-

que paritec ante eum in terram corruerunt. Quibus ille ait; Cur sic agere voluntis, an ignoratis quod non sit similis mei in angurandi scientia? Cui Iudas: Quid respondebimus, inquit, Domino meo vel quid loquemur? aut justè poterimus obtendere? Deus invenit iniquitatem servorum suorum, en omnes servi sumus Domini mei, & nos, & apud quem inventus est syphus.

Respondit Joseph: Absit à me ut sic agam, qui furatus est syphum, ipse sit servus meus, vos autem liberi abite ad patrem vestrum.

Hoc auditio, lacrymis suffusi horruere omnes, & altum ingenuere, præ cæteris Judas qui promiserat patri fore ut certo reduceret Benjamin: Accedit, ergo, inquit Scriptura, propius ad Joseph, & ubertim flens, & cum singultibus vocem interrumpens, ait: Oro, Domine mihi, loquatur servus tuus verbum. Interrogasti prius servos tuos: Habetis patrem, aut fratrem? Et nos respondimus: Est nobis pater senex, & puer parvulus, qui in senectute illius natus est: cuius uterinus frater mortuus est, & ipsum solum habet mater sua, pater vero tenerè diligit eum.

Dixisti servis tuis: Adducite eum ad me, & ponam oculos meos super illum: Diximus: Non potest puer relinquere patrem suum, si enim illum dimiserit, morietur: Et dixisti: Nisi venerit frater vester minimus vobis, non videbitis amplius faciem meam:

Reversi deinde ad patrem nostrum, diximus nos amplius in Egiptum ire non posse nisi frater noster minimus iret nobiscum: At ille respondit, nequaquam hoc fiet, si enim aliquid ei in via continget, moreretur præ dolore: Itaque si puer nobiscum non redeat, moreitur optimus pater noster, & optimus senex: Et ego illi spopondi me puerum reducturum: Itaque rogo te per hasce lacrymas quas fundo, miserere patris & pueri, abeat hic cum cæteris domum, & ego pro illo manebo hic mancipium tuum. Nec enim possum redire ad patrem meum sine puerō, ne videam patrem præ dolore morientem.

DISCURSUS XXII.

Joseph se fratribus suis manifestat.

Audiverat Joseph patienter fratrem suum Judam loquentem, viderat pietatem in patrem, amorem in fratrem, viderat ipsum,

